



Sports “estremis” e turisim “alternatîf”: cuant che la adrenaline e il paisaç furlan ti lassin cence flât

+sKlet/XtremeTV: e je une serie televisive, in 5 pontadis di 18 minûts ognidune, prodote di Informazion Furlane cu la poie de AR-LeF - Agenzie Regionâl pe Lenghe Furlane che e ufris al public une escursion fra lis ativitâts sportivis plui originâls che si fasin in lûcs naturalistics particulârs dal Friûl. Lis escursions in diferents ambients naturâi che a caracterizin il teritori, a fasin scuvierzi ai spetatôrs cinc ativitâts sportivis, che traviere di chestis si jentre ad implen intal ambient naturâl ator e si esplorin lûcs se di no inaccessibii.

Des cimis de Cjargne ae lagune di Grau e Maran, une ocasion par scuvierzi un microcosmi inspietât e sorprendent, fat di personis, lûcs



e caracteristichis che a fasin speciâl cheste region. Une produzion a bas cost cuntune dotazion lizere e une troupe di 5 personis, coordenade dal regist operadôr Giorgio Cantoni, ma cun risultâts emozionâi e promozionâi une vore interessants.

La “spetacolaritât” e il respîet plen dal teritori a son dôs des partico-

laritâts dai sports protagoniscj dai video che a vegnin fûr des intervistis fatis ai sportîfs e de sperimentazion direte des dissiplinis stessis di bande dai doi presentadôrs. Lis ativitâts sportivis documentadis de troupe di Cantoni a son stadis sieltis pal lôr impat spettacolâr, pe unicitât e originalitât, pal impat ambientâl une vore bas e, ancje, pe facilitât di coinvolziment di un public no specialistic.

Graciis ae disponibilitât dai istrutôrs des associazions coinvoltis e aes particulârs tecnicis di riprese, fatis cun action cjamare metudis sù dai sportîfs, si è cirût di tornâ indaûr



al public lis emozions e lis pôris sintudis sul cjamp da doi presentadôrs zovins, Francesca Battistutta e Cristian Pressacco, ae lôr prime esperience sedi inte conduzion televisive che inte pratiche des variis disciplinis.

La specialitât di chescj sports e je chê di permeti ai partecipants une imersion complete inte nature, esplorant lûcs se di no inaccessibii, cul **canyoning** (vignî jù di forans e salts di aghe), il **downhill** (frontâ in bici i trois di mont), il **kayak di mâr**, il **kite-surf** (la vele dal parecleva su la bree di surf) e il **paramotôr**, (la vele dal parecleva cubiade al motôr individuâl cu la eliche), nons in cualchi maniere esotics par definî praticis inusuâls che, cualchi volte, a puedin vignî definidis "estremis".

Par ce che al tocje la lenghe furlane, veicolade in dutis lis componentis de produzion: dai dialics, ae grafi-



che, aes musichis, il so ûs si è palesât adât inte suaze inedite di une serie televisive cun carateristicis, contest e modalitât tant stimolante in tiermins di spettacolaritât e identificazion, une lenghe buine di trasmeti ae perfezion la relazion speciâl di condivison e rapresentance fra abitants e teritori.

Ogni pontade si conclût cu la presentazion di un setôr particulâr di ospitalitât turistiche. Par chest motîf a son stâts sieلزûts lûcs impegnâts te valorizazion de produzion locâl, in sintonie cu lis esperiencis e la culture de aree di apartignince.



Lis 5 pontadis, dividudis te part sportive e te part turistiche, za ladis in onde su Rai 3, si puedin cjalâ sul sît de ARLeF www.arlef.it, te sezion Multimedia - Video.

Francesca Battistutta e Elena Zanussi

Par informazions:
www.arlef.it;
arlef@regione.fvg.it;
tel. 0432/555812

Par cure de:

ARLeF AGENZIE REGIONÂL PE LENGHE FURLANE